

全唐文

卷八百三之八百五

李 崔 蔣 關 范 高 聿 柏
璣 琪 凝 圖 攄 墉 昭 虔
度 冉

劉 楊 張 陳 馮 裴 聿 吳
允 知 象 谿 元 鋤 蟾 蛙
章 新

王 魚 孔 石 崔 陳 郎
景 孟 緯 侔 鵬 庶 肅
風 威

2019⁴2




竹居攷虞

全唐文卷之六

妙事無從顯露
 靈機處處逢

五、李德裕陳羣修志
沈麟祥 趙汝 韓 章

許慎說文解字詁林
 卷之五



竹 居 賦

欽定全唐文卷八百三目錄

李磳

授吏部侍郎徐彥若御史中丞制

授王搏兵部員外郎兼侍御史知雜事等制


授李穀河南府參軍充集賢校理制

授吳敬存左監門衛將軍張景球虢州司馬兼中

丞等制

授尚汝貞涪州刺史朱塘恩州刺史婺州刺史蔣

瓌檢校僕射等制



授康君立等諸州刺史制

授朱誕等諸州刺史制

授攝澤潞副使詹承麋檢校尚書充職嶺南東道

供軍判官李谷檢校郎中嶺南東道節度判官

鄭商郎中賜緋制

授楊詔嶺南東道節度供軍判官張薦節度判官

楊郃支使制

授虞岫常州別駕溫羅濠州長史制

授盧蟾富平縣令郭諲武寧縣令李嗣業曲沃縣

令馮珙山陰縣令等制

授沈正言南鄭縣令李登趙縣令楊守節永樂縣

令等制

授劉廷溫華原縣令邱景元分水縣令制

授李昌緯岐山縣令王羣白石縣令杜堯曾口縣

令等制

授張謩端陵丞李頊虹縣主簿裴昇新井縣尉等

制

授宋郁廣都尉黃去惑臨安縣尉主簿顏溫鳳翔

文學等制

授通議大夫行內侍省張建方起復本官制

授吳承贊朝散大夫內侍省內寺伯判內給事制

授孫孟宣朝請大夫內侍省內謁者監等制

授閤門使李全績中大夫行內侍省內謁者監等

制

授楊魯潛內侍省內府局令制

授內官劉繼明王思齊驍衛將軍加階制

授內官韓坤範等加恩制

授內官韓龜範加官制

授內官董全珙等除諸司副使制

授許州節度使王蘊母趙氏進封楚國太夫人制

伸理罰俸狀

敬鬼神議

設險議

改恭太子諡議

泗州重修鼓角樓記

反五等六代論

廣廢莊論 并序

蔡襲傳

如奉太子鎮殿

建創

建東中

中聖

建東中

建東中

建東中

欽定全唐文卷八百三

李磎

磎字景望江夏人大中十三年進士累遷吏部郎中拜翰林學士中書舍人黃巢之亂走河陽入拜戶部侍郎遷禮部尚書景福二年同中書門下平章事崔昭緯素疾磎諷劉崇魯裂其麻左授太子少傅乾寧初復相罷爲太子少師李茂貞擁兵犯闕殺之都亭驛贈司徒諡曰文

授吏部侍郎徐彥若御史中丞制

勅御史中丞以獨坐爲稱豈特崇貴之而已昔韋仁約是

其官僚耳猶以雕鶚自許不肯狎公卿激揚清風振駭良吏況長其屬者可忽慢哉兵戈以來紀綱廢壞永惟提舉未易其人執政上言云具官徐彥若掌司憲臺甚著聲績而自轉遷稱速憤鬱猶多使之復爲必或愈於前日且其祖在天后朝爲大理有正直詳平之聲于公積慶因成相門而彥若克嗣其家端莊自立踐歷華貫聲聞藹然俾持準繩無以易者是用輟天官之貳再尊任之爾其砥礪厥心無忝所舉可依前件

授王搏兵部員外郎兼侍御史知雜事等制

勅持紀綱以貳於中司書言動以歸于太史二者亦重矣而躁競者徒利于轉遷嚮薄者止貪于清近問以職業則杳如物外遂使南臺無典章可采東觀無注記可求壞法曠官莫斯爲甚某官王搏等並以科籍早登朝列而憲署以搏茂族英才嘗雜事於亞相皆言其所蘊蓄未盡施設請復兼柱下進省曹以用之丞相以柅大臣令子日稟訓於名父皆言其所聞見妙得規模請引之朕前委直筆以觀之是用同獎擢無所疑焉爾其厲乃冰霜謹乃毫簡勿循往例以正時風可依前件

授李穀河南府參軍充集賢校理制

勅李穀書府皆以丞相爲大學士蓋理化之本在焉而集賢嘗鄙仙殿之稱時之論者亦以爲九重今大學士謂爾穀儒學賢相之後以進士擢科今典籍散亡編簡殘缺穀紹儒學之業實進士之名儻能討籌質正請使校羣書焉予嘉而聽之參軍府庭則序官然耳河南京兆大何足論噫苟能副大學士之委諫官御史豈恡汝遷可依前件

授吳敬存左監門衛將軍張景球虢州司馬兼中

丞等制

勅吳敬存等各以才能效其忠節或誘諭軍帥捍蜂蟻之
師徒或善葺都門壯鳳凰之城闕嘉績旣著賞典宜及將
軍職於禁旅司馬兼於憲丞可謂寵榮足以耀於流輩矣
可依前件

授尚汝貞涪州刺史朱塘恩州刺史婺州刺史蔣

瓊檢校僕射等制

勅朕思報功臣以郡事念遠人以司牧惟是二者寤寐疾
懷具官尚汝貞在先皇帝時扈鑾駕功高建隼旟布政非
時見代可爲愍然具官朱塘將兵之材號爲嚴肅勞績聲

著罷免歲深惟涪與恩遠郡之沃饒者也資人以優爾亦資爾以救人且以元武之尊夏官之長各從官敘以寵榮之具官蔣瓌婺人言有政化懇乞增秩端右之命以徇其請各堅爾志無或變渝可依前件

授康君立等諸州刺史制

勅康君立等夫文吏以儒術自進而牧人養物固其所也而論者猶或嘉之而爾等各以軍功達於郡政可謂難矣然武有七德而安人和衆在焉得非皆達其義耶深惟勸能之方遂允爲真之請可依前件

授朱誕等諸州刺史制

勅朱誕等並干鎔奇鋒崆峒勁氣或忠臣薦達播于文武之間或軍功著明迥出輩流之右升遷委用無所偏頗各竭爾才以稱吾意可依前件

授攝澤潞副使詹承麋檢校尚書充職嶺南東道供軍判官李谷檢校郎中嶺南東道節度判官鄭商郎中賜緋制

勅詹承麋等上黨南越俱名鎮也倅戎餽運皆重職也以承麋等並有才業達於帥臣正位加官各從所請可依前

件

授楊詔嶺南東道節度供軍判官張薦節度判官

楊郃支使制

勅楊詔等幕吏之選委之將帥尚矣況元勲大臣而付以
嶺表之重者哉詔等或以本官任職或加繡衣白筆之號
皆從其請噫以南越之雄富類東閣之招延爾等豈直陟
金階躡珠履而已勉贊策畫無惑盃觴報恩酬知於是乎
在可依前件

授虞岫常州別駕溫羅濠州長史制

勅虞岫等凡別駕長史務簡俸優故在京百司諸侯畱邸
所以勸勤事之吏砥奉職之勞今以命爾等卽循例也可
依前件

授盧蟾富平縣令郭諲武寧縣令李嗣業曲沃縣
令馮珙山陰縣令等制

勅盧蟾等十年兵戈兆人流散朕延執政與百執事問所
以聚人之方皆慎選令長而已夫畿赤之富平可謂大邑
而洪之武寧絳之曲沃越之山陰亦皆著名者也爾蟾等
或稱華胄或曰才人華胄以禮讓爲本才人以政術爲宗